



Kenyataan Media

CYBERJAYA
15 Disember 2023


MCMC LINDUNGI PENGGUNA DARIPADA KANDUNGAN MEMUDARATKAN

Sebagai maklum balas kepada satu tajuk utama laporan berita mengenai platform *Over-The-Top* (OTT) termasuk Meta dan TikTok yang menyaksikan peningkatan permohonan oleh Kerajaan untuk menurunkan kandungan pada 2023, Suruhanjaya Komunikasi dan Multimedia Malaysia (MCMC) menjelaskan, tindakan yang diambil adalah bertujuan untuk melindungi pengguna daripada peningkatan kandungan memudaratkan dalam talian, dan bukannya untuk membataskan kepelbagaian pandangan.

Statistik MCMC menunjukkan, peningkatan sebanyak 24 kali ganda dalam kandungan memudaratkan di platform media sosial dan OTT, daripada 1,019 pada tahun 2022 kepada 25,642 pada tahun 2023, termasuk *scam*, penjualan haram, perjudian, berita palsu dan ucapan berbau kebencian, menimbulkan ancaman kepada fabrik sosial dan institusi-institusi di Malaysia. Ucapan berbau kebencian, terutamanya, mempunyai potensi untuk mencetuskan keganasan, diskriminasi, dan gangguan, sekali gus mencerminkan kepentingan untuk menguatkuasakan undang-undang dan kawal selia untuk penyederhanaan dan penurunan kandungan bagi melindungi pengguna daripada kandungan memudaratkan.


Rujuk kepada statistik kandungan memudaratkan seperti yang tertera di bawah:

Statistik Kandungan Memudaratkan 2022 - 1,019 Kandungan



■ Pornografi ■ Berita Palsu ■ Jelik ■ Scam & Penjualan Haram

Statistik Kandungan Memudaratkan 2023 - 25,642 Kandungan



■ Pornografi ■ Berita Palsu ■ Jelik ■ Mengancam ■ Scam & Penjualan Haram

Sumber: MCMC

Justeru, adalah penting untuk Kerajaan, badan kawal selia dan platform OTT bekerjasama bagi menangani isu ini dan pada masa yang sama menegakkan kepelbagaian pandangan. Ini bagi memastikan keselamatan dan kesejahteraan semua pengguna di alam maya.

KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission
MCMC Tower 1, Jalan Impact, Cyber 6, 63000 Cyberjaya, Selangor MALAYSIA
T: +60 3 86 88 80 00 | F: +60 3 86 88 10 00 | E: scd@mcmc.gov.my | W: www.mcmc.gov.my

